



卷九十五

書名 史記一百三十卷 慶長元和間古活字印本
 撰者 漢 司馬遷 撰，劉宋 裴駟 集解，唐 司馬貞 索隱，唐 張守節 正義
 卷 卷九十五
 內容分類 史-正史-分刻-史記
 索書號 貴重-30
 編號 B1112300

[彩色首頁1](#)
[彩色首頁2](#)

東洋文化研究所漢籍目錄 編號: B1112300
 東洋文化研究所漢籍目錄所藏漢籍善本文影像資料庫 索書號: 貴重-30
 漢籍善本文影像資料庫文本史記一百三十卷 慶長元和間古活字印本
 版權所有: 東京大學 東洋文化研究所
 使用上的注意事項

三皇本紀

補史紀 小司馬氏撰并注

小司馬氏云太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝已下故因以五帝本紀為首其實三皇已遷載籍罕備然君臣之始教化之先既論古史不合全關近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

雖復淺近聊補闕云

大皞氏風姓代燧人氏繼天而王母曰

樊鄴滕灌列傳第三十五 史記九十五

舞陽侯正義曰舞陽在許州葉縣東十里樊噲者正義曰音快又音外

反沛人也正義曰徐州縣以屠狗為事正義曰時人食狗亦與羊

豕同故噲專與高祖俱隱初從高祖起豐攻屠以賣之

下沛高祖為沛公以噲為舍人從攻胡陵方

與正義曰房預二音還守豐擊泗水監豐下索隱曰案監者

秦時御史監郡也豐下豐縣破之復東定沛之下也正義曰泗水郡名

破泗水守薛西索隱曰謂破其守於薛縣之西也與司馬尼

戰場東張晏曰秦司馬章邯司馬尼又場宋州縣也郤敵

斬首十五級賜爵國大夫文穎曰即官大夫也○正義曰爵第

六常從沛公擊重邯軍濮陽攻城先登斬首

二十三級賜爵列大夫文穎曰即公大夫爵第七復常從

從攻城陽徐廣曰年表二年七月破秦軍濮陽東屠我陽○止義曰按城陽近

濮陽而漢書作陽城大錯誤先登下戶牖止義曰戶牖汴州東陳留縣東

北九十一里破李由軍斬首十六級賜上間

爵孟康曰不在二十爵中如執圭執帛比也如淳曰間或作間呂氏春秋曰魏文侯東

章



勝齊於長城天子賞文侯以上間爵○索隱曰張晏云得徑上聞晉灼曰名通於天子也

如淳引呂氏春秋證從攻圍東郡守尉於成

武正義曰成武曹州縣也卻敵斬首十四級捕虜十一

人賜爵五大夫從擊秦軍出亳南索隱曰亳今河南偃師有湯亳是○正義曰亳故城在宋州穀熟縣西南四十里河間守

軍於扛里正義曰地名近城陽也破之擊破趙貴軍開

封止義曰汴州縣也北以卻敵先登斬侯一人首六

十八級捕虜二十七人賜爵卿從攻破揚熊

軍於曲遇索隱曰曲遇音黼顯邑名也○正義曰曲丘兩反遇牛恭反鄭州中

卒縣有攻宛陵索隱曰地理志云屬河南也曲遇聚先登斬首八級捕虜四十四人

賜爵封誦賢成君徐廣曰時賜爵有執帛執圭又有賜爵封而加美名

以為號也又有功則賜封列侯駙案張晏曰食祿比封君而無邑賚曰秦制列侯乃有封爵也○索隱曰小顏云楚漢之際權設寵榮假其位號或得邑地或空受爵此例亦多矣

約以秦制於從攻長社轅轅正義曰許州所義有不通

在緞氏縣東絕河津正義曰古平陰津在河南三十里

南

三

十

五

里

東攻秦軍於尸南正義曰在攻秦軍於繁正義

日在汝州魯破南陽守齧於陽城東攻宛城山縣東南

先登西至酈正義曰酈音擲在鄧州以郤敵

斬首二十四級捕虜四十人賜重尉張晏曰

也如淳曰正爵名也張晏臣瓚義亦近是如淳非也小顏以為重

封者兼二號攻武關至霸上斬都尉一人首

十級捕虜百四十六人降卒二千九百人項

羽在戲下欲攻沛公沛公從百餘騎因項伯

面見項羽謝無有閉關事項羽既饗軍士中

酒張晏曰亞父謀欲殺沛公令項莊拔劍舞

坐中欲擊沛公項伯常肩蔽之時獨沛公與

張良得入坐樊噲在營外聞事急乃持鐵盾

入到營營衛止噲噲直撞入漢書音義曰撞

音如撞直撞入音如撞項羽

目之問為誰張良曰沛公參乘樊噲項羽曰

壯士賜之卮酒彘肩噲既飲酒拔劍切肉食

封



盡之項羽曰能復飲乎噲曰臣死且不辭豈
特卮酒乎且沛公先入定咸陽暴師霸上以
待大王正義曰時羽未為王史追書大王今日至聽小人
之言與沛公有隙臣恐天下解正義曰紀買反至此為絕
句心疑大王也項羽默然沛公如廁麾樊噲
去既出沛公留車騎獨騎一馬與樊噲等四
人步從從間道山下歸走霸上軍而使張良
謝項羽項羽亦因遂已無誅沛公之心矣是

日微樊噲犇入營請讓項羽沛公事幾殆索隱

曰誚責也亦或作譙○正義曰幾音祈 明日項羽入屠咸陽立

沛公為漢王漢王賜噲爵為列侯號臨武侯

正義曰桂陽臨武縣也遷為郎中從入漢中還定三秦

別擊西丞白水北徐廣曰隴西有西縣白水在武都緡案如淳曰皆地名也

名也晉灼曰白水今廣魏縣也地理志無西丞似秦將名○索隱曰案西謂隴西之西縣

也白水水名出武都經西縣東南流言噲擊西縣之丞在白水之北耳徐廣等說皆非也

○正義曰括地志云白馬水源出雍輕車騎文州曲水縣西南曾徑孫山下

於雍南破之正義曰上雍音於拱反從攻雍漿城先登

擊章平軍好時漿音胎○索隱曰案雍即扶風雍昌縣漿音台即后穆所

封今之武功故漿城是也章平即章即子

攻城先登陷陣斬縣令丞各一人首十一級虜二十人遷為郎中騎

將從擊秦軍騎壤東索隱曰小顏亦以為今之地名○正義曰壤鄉

在武功縣東南二十里

郤敵遷為將軍攻趙賁下郤義

曰岐州李奇曰以槐里柳中咸陽灌廢丘水灌廢丘

也張晏曰最功第一也晉灼曰京輔治華陰灌也○索隱曰案柳中即細柳也在長安

西也灌謂以水灌廢丘城陷其功最上也李奇曰廢丘即槐里也上有槐里此又言者疑

此是小槐里非也案文云攻趙賁下郤槐里柳中咸陽總言所攻陷之邑別言以水灌廢

丘其功特最也何者初云槐里稱其新名後言功最是重舉不欲再見其文故因其舊稱

廢丘至櫟陽州正義曰維賜食邑杜之樊鄉索隱

也曰案杜陵有樊鄉三秦記曰長安正南山名秦嶺谷名子午一名樊川一名御宿樊鄉即

樊川從攻項籍屠煮棗索隱曰晉灼云檢地

也則有煮棗侯清河有煮棗城小顏以為攻項籍屠煮棗合在河南非清河之城明矣今案

續漢書郡國志在濟陰宛胸也○正義曰按其時項羽未渡河止冀州信都縣東北五十

里莫棗擊破王武程處軍於外黃攻鄒魯瑕

丘薛正義曰兗州縣在州東南六十二里魯

滕縣兗州曲阜縣瑕丘在兗州縣薛在徐州項羽敗漢王於彭城盡復取魯梁地噲

還至滎陽益食平陰二千戶正義曰平陰故

也五里以將軍守廣武一歲項羽引而東從高

祖擊項籍下陽夏正義曰夏音假虜楚周將

軍卒四千人圍項籍於陳正義曰大破之屠

胡陵正義曰在項籍既死漢王為帝以噲堅

守戰有功益食八百戶從高帝攻反燕王臧

荼虜荼定燕地楚王韓信反噲從至陳取信

定楚正義曰更賜爵列侯與諸侯剖符世世

勿絕食舞陽號為舞陽侯除前所食以將軍

從高祖攻反韓王信於代自霍人以往正義

累反又蘇果反山寡反杜預云霍人晉邑也

霍人當作後人地理志云後人縣屬太原郡

括地志云後人故城在至雲中正義曰雲中

善陽縣北三百八十與絳侯等共定之益食

千五百戶因擊陳豨與毋丘巨軍豨音許豈反徐廣曰

毋一作甯字戰襄國正義曰邢州姓也破柏人正義曰邢州縣也

先登降定清河常山凡二十七縣殘東垣張晏

日殘有所毀也贊曰殘謂多所殺傷也孟子曰害義謂之殘遷為左丞相

破得綦音其毋音無卯一作卯尹潘軍於無終廣昌

正義曰在蔚州飛狐縣北七里破豨別將胡人王黃軍於代

南因擊韓信軍於參合正義曰在朔州定襄縣界軍所將

卒斬韓信破豨胡騎橫谷正義曰谷音欲蓋在代斬將

軍趙既虜代丞相馮梁守孫奮大將王黃將

軍大卜太僕解福正義曰人姓名等十人與諸將共

定代鄉邑七十三其後燕王盧綰反噲以相

國擊盧綰破其丞相抵薊南索隱曰抵音丁禮反抵訓至一

云抵者承相之名定燕地凡縣十八鄉邑五十一益

食邑千三百戶定食舞陽五千四百戶從斬

首百七十六級虜二百八十八人別破軍七

下城五定郡六縣五十二得丞相一人將軍

十二人二千石已下至三百石十一人噲以
吕后女弟吕須為婦生子伉故其比諸將最
親先黥布及時高祖嘗病甚惡見人卧禁中
詔戶者無得入羣臣羣臣絳灌等莫敢入十
餘日噲乃排闥直入正義曰官中小門大臣隨之上
獨枕一宦者卧噲等見上流涕曰始陛下與
臣等起豐沛定天下何其壯也今天下已定
又何憊也且陛下病甚大臣震恐不見臣等

計事顧獨與一宦者絕乎且陛下獨不見趙
高之事乎高帝笑而起其後盧縮及高帝使
噲以相國擊燕是時高帝病甚人有惡噲黨
於吕氏即上一日宮車晏駕則噲欲以兵盡
誅滅戚氏趙王如意之屬高帝聞之大怒乃
使陳平載絳侯代將而即軍中斬噲陳平畏
吕后執噲詣長安至則高祖已崩吕后釋噲
使復爵邑孝惠六年樊噲卒謚為武侯子伉

製 複 許 不

NOT TO BE REPRODUCED

東京大学東洋文化研究所

代侯而仇母呂須亦為臨光侯高后時用事
專權大臣盡畏之仇代侯九歲高后崩大臣
誅諸呂呂須媿屬索隱曰媿音眷因誅仇舞陽侯中
絕數月孝文帝既立乃復封噲他庶子市人
為舞陽侯復故爵邑市人立二十九歲卒謚
為荒侯子他廣代侯六歲侯家舍人得罪他
廣怨之乃上書曰荒侯市人病不能為人正義
日言不能行人道令其夫人與其弟亂而生他廣他

廣實非荒侯子不當代後詔下吏孝景中六

年他廣奪侯為庶人國除索隱曰案漢書平

世封噲玄孫之子章
為舞陽侯邑千戶

曲周侯正義曰故城在洛州酈商者高陽人

索隱曰酈音歷高陽聚名屬陳留陳勝起時

商聚少年東西略人得數千沛公略地至陳

留六月餘徐廣曰月表曰二世元年九月沛

酈食其策起兵至此十九月矣食其傳曰既
說高帝已乃言其弟商使從沛公也○索隱

日事與酈生傳及年表小不同蓋史官意異也○止義曰徐注非也言商先東西略得數千人及沛公略地至陳留商起兵乃商以將六月餘得四千人以將軍從高祖也商以將卒四千人屬沛公於岐索隱曰此地名關蓋正義曰高紀云酈食其說沛公襲陳留乃以食其為廣野君酈商為將將陳留兵與偕攻開封酈生傳云沛公引兵隨之乃下陳留為廣陽君言其弟酈商使將數千人從沛公西南略地此傳云屬沛公於岐從攻長社從攻按紀傳此說岐當與陳留高陽相近也從攻長社先登賜爵封信成君從沛公攻緱氏絕河津破秦軍洛陽東從攻下宛破穰定十七

縣別將攻旬關

漢書音義曰漢中旬陽縣音旬水關○索隱曰案在漢中旬陽

上之關

定漢中項羽滅秦立沛公為漢王漢

王賜商爵信成君以將軍為隴西都尉別將

定北地

正義曰

上郡

正義曰

破雍將軍烏氏

音支○索陰曰烏音於然反氏音支縣名屬安定漢書云破章邯別將也○正義曰縣乃

在涇州安定縣之東四十里

周類軍枸邑

索隱曰枸邑在豳州地理志屬

右扶風蘇駟軍於泥陽

徐廣曰駟一作駟○

者龍馬也○正義曰故城在寧州羅川縣北三十一里泥谷水源出羅川縣東北泥陽源

側有泉於泥中潛流二十餘步而流入賜食
泥谷又有泥陽湫在縣東北四十里

邑武成六千戶正義曰縣在華州鄭縣東十三里以隴西都

尉從擊項籍軍五月出鉅野與鍾離昧戰疾

鬪受梁相國印益食邑四千戶以梁相國將

從擊項羽二歲三月攻胡陵項羽既已死漢

王為帝其秋燕王臧荼反商以將軍從擊荼

戰龍脫徐廣曰在燕趙之界駟案漢書音義曰地名先登

陷陳破荼軍易下正義曰州易縣卻敵遷為右丞相

賜爵列侯與諸侯剖符世世勿絕食邑涿五

千戶正義曰涿幽州號曰涿侯以右丞相別定上谷

正義曰因攻代受趙相國印以右丞相趙相

國別與絳侯等定代鴈門得代丞相程縱守

相郭同將軍已下至六百石十九人還以將

軍為太上皇衛一歲七月以右丞相擊陳豨

殘東垣又以右丞相從高帝擊黥布攻其前

拒徐廣曰一作和駟謂拒方陳拒音拒○索

隱曰拒音巨鄒氏引左傳有左拒右拒徐

云一作和軍門也漢書作前垣小顏以為
攻其壁壘之垣也李奇以為前鋒堅蔽若垣
也非陷兩陳得以破布軍更食曲周五千一

百戶除前所食凡別破軍三降定郡六縣七

十三得丞相守相大將各一人小將二人二

千石已下至六百石十九人商事孝惠高后

時商病不治文穎曰不能治官事其子寄字况索隱曰

也鄒氏本作與呂祿善及高后崩大臣欲誅

諸呂呂祿為將軍軍於北軍太尉勃不得入

北軍於是乃使人劫酈商令其子况給呂祿

索隱曰給欺也詐也音待呂祿信之故與出游而太尉勃

乃得入據北軍遂誅諸呂是歲商卒謚為景

侯子寄代侯天下稱酈况賣交也班固曰夫

見利而忘義也若寄父為功臣而又執孝景

前三年吳楚齊趙反上以寄為將軍圍趙城

十月不能下得俞侯爰布俞音寄索隱曰

輸在河東地自平齊來乃下趙城滅趙王自殺除

國孝景中二年寄欲取平原君姊為夫人

蘇林

日景帝王皇景帝怒下寄吏有罪奪侯景帝

乃以商他子堅封為繆靖侯

徐廣曰繆者更封邑名謚曰靖

○索隱曰繆音穆續酈氏後繆靖侯卒子康

侯遂成立遂成卒子懷侯世宗立

徐廣曰世一作他

世宗卒子侯終根立為太常坐法國除

汝陰侯正義曰汝陰即今陽城夏侯嬰沛人也為沛廐

司御索隱曰案楚漢春秋云勝公為御也每送使客還過沛泗

上亭與高祖語未嘗不移日也嬰已而試補

縣吏與高祖相愛高祖戲而傷嬰人有告高

祖韋昭曰告白也高祖時為亭長重坐傷人

如淳曰為吏傷人其罪重也告故不傷嬰

鄒展曰律有故乞鞠高祖自告

不傷人○索隱曰案晉灼云獄結竟呼囚嬰

證之後獄覆索隱曰案韋昭曰高帝自言不傷嬰嬰證之是獄辭翻覆也

嬰坐高祖繫歲餘掠笞數百終以是脫高祖

高祖之初與徒屬欲攻沛也嬰時以縣令史

為高祖使上降沛一日正義曰上為于為反使所吏反又日謂父

老開城門高祖為沛公賜嬰爵七大夫以為

太僕從攻胡陵嬰與蕭何降泗水監平張晏日胡

陵平所止縣何嘗給之故與降也平以胡陵降賜嬰爵五大

夫從擊秦軍碭東攻濟陽下戶牖破李由軍

雍丘下以兵車趣攻戰疾賜爵執帛常以太

僕奉車從擊章邯軍東阿濮陽下以兵車趣

攻戰疾破之賜爵執珪復常奉車從擊趙賁

軍開封楊熊軍曲遇嬰從捕虜六十八人降

卒八百五十人得印一匱索隱曰案說文云匱匣也謂得其特

自相部署之印因復常奉車從擊秦軍雒陽東以兵

車趣攻戰疾賜爵封轉為滕公徐廣曰令也駟案鄧展曰

今沛郡公丘漢書曰嬰為滕令奉車故號滕公○止義曰滕即公丘故城是在徐州滕縣

西南十五里因復奉車從攻南陽戰於藍田芷陽

索隱曰芷音止地名今霸陵也在京兆縣以兵車趣攻戰疾至霸

上項羽至滅秦立沛公為漢王漢王賜嬰爵

列侯誦昭平侯復為太僕從入蜀漢還定三
秦從擊項籍至彭城項羽大破漢軍漢王敗
不利馳去見孝惠魯元載之漢王急馬罷虜
在後常蹶兩兒欲棄之索隱曰蹶音厥又音
巨月反一音居衛反
漢書作嬰常收竟載之徐行面雍樹乃馳服
蹶音撥
日高祖欲斬之故嬰圍樹走也面向樹也應
助云古者皆立乘嬰忍小兒墜名置一面雍
持之樹立也蘇材曰南陽人謂抱小兒為雍
樹面者大人以面首向臨之小兒抱大人頸
似懸樹也○索隱曰蘇材與晉灼皆同今則
無其言或當時有此說其應服之說蓋疎也

漢王怒行欲斬嬰者十餘卒得脫而致孝惠

魯元於豐漢王既至滎陽收散兵復振賜嬰

食祈陽徐廣曰祈一作沂○索隱曰蓋
鄉名也漢書作沂楚無其縣復常

奉車從擊項籍追至陳卒定楚至魯益食茲

氏索隱曰縣名也
地理志屬太原漢王立為帝其秋燕王臧

荼反嬰以太僕從擊荼明年從至陳取楚王

信更食汝陰剖符世世勿絕以太僕從擊代

至武泉雲中索隱曰地理志武泉屬雲中○
正義曰二縣在朔州善陽縣界

益食千戶因從擊韓信軍胡騎晉陽旁大破之追北至平城為胡所圍七日不得通高帝使使厚遺關氏冒頓開圍一角高帝出欲馳嬰固徐行弩皆持滿外向卒得脫益食嬰細陽千戶索隱曰地理志云屬汝南復以太僕從擊胡騎句注北大破之以太僕擊胡騎平城南三陷陳功為多賜所奪邑五百戶漢書音義曰時有罪過奪邑者以賜之以太僕擊陳豨鯨布軍陷陳郤敵益食千

賜

戶定食汝陰六千九百戶除前所食嬰自上初起沛常為太僕竟高祖崩以太僕事孝惠孝惠帝及高后德嬰之脫孝惠魯元於下邑之間也正義曰宋州碭山縣乃賜嬰縣北第第一曰近我以尊異之孝惠帝崩以太僕事高后高后崩代王之來嬰以太僕與東牟侯入清宮廢少帝以天子法駕迎代王代邸與大臣共立為孝文皇帝復為太僕八歲卒謚為文侯索隱

日案姚氏云三輔故事曰滕文公墓在飲馬橋東大道南俗謂之馬冢博物志曰公卿送

嬰葬至東都門外馬不行墮地悲鳴得石搏有銘曰佳城鬱鬱三千年見白日于差滕公

居此室乃子夷侯竈立七年卒子共侯賜立葬之焉

三十一年卒子侯頗尚平陽公主立十九歲

元鼎二年坐與父御婢姦罪自殺國除

穎陰侯正義曰今陳州南穎縣西灌嬰者睢

陽販繒者也正義曰宋州宋城縣高祖之為沛公略地

至雍丘下章邯敗殺項梁而沛公還軍於碭



嬰初以中涓從擊破東郡尉於成武及秦軍

於扛里疾鬪賜爵七大夫從攻秦軍亳南關

封曲遇戰疾力服虔曰疾攻之也賜爵執帛號宣陵

君從攻陽武以西至雒陽破秦軍尸北北絕

河津南破南陽守齧陽城東遂定南陽郡西

入武關戰於藍田疾力至霸上賜爵執珪號

昌文君索隱曰亦稱宜陵君皆非爵士加美號耳沛公立為漢王

者拜嬰為郎中從入漢中十月拜為中謁中從

還定三秦下櫟陽降塞王還圍章邯於廢丘
未拔從東出臨晉關擊降殷王定其地擊項
羽將龍且魏相項他軍定陶南疾戰破之賜
嬰爵列侯號昌文侯食杜平鄉索隱曰謂食杜縣之平鄉
復以中謁者從降下碭以至彭城項羽擊大
破漢王漢王遁而西嬰從還軍於雍丘土武
魏公申徒反張晏曰秦將降為公今反從擊破之攻下黃
正義曰故城在曹州考城縣東二十四里西收兵軍於滎陽楚騎

來眾漢王乃擇軍中可為車騎將者皆推故

秦騎士重泉人徐廣曰重泉屬馮翊○正義曰故城在同州蒲城縣東南

四十里李必駱甲習騎兵今為校尉可為騎將

索隱曰必甲二人名也姚氏案漢紀桓帝延熙三年追錄高祖功臣李必後黃門丞李遂

為晉陽關內侯也漢王欲拜之必甲曰臣故秦民恐

軍不信臣臣願得大王左右善騎者傳之如淳

日傳音附猶言隨從者灌嬰雖少然數力戰乃拜灌嬰

為中大夫令李必駱甲為左右校尉將郎中

騎兵擊楚騎於滎陽東大破之受詔別擊楚軍後絕其餉道起陽武至襄邑擊項羽之將項冠於魯下破之所將卒斬右司馬騎將各一人張晏曰主右方擊破拓公王武軍於燕西徐廣曰拓屬陳○索隱曰案武拓縣令也○正義曰拓屬淮陽國按滑州胙城本南燕國也所將卒斬樓煩將伍人李奇曰樓煩縣故以名射士為樓煩取其美稱未必樓煩人也張晏曰樓煩胡國名連尹一人張晏曰大夫楚官○索隱曰擊王武別將桓案左傳莫殷連尹官厥尹是

教

嬰白馬下破之所將卒斬都尉一人以騎渡河南送漢王到雒陽使北迎相國韓信軍於邯鄲還至敖倉嬰遷為御史大夫三年以列侯食邑杜平鄉以御史大夫受詔將郎中騎兵東屬相國韓信擊破齊軍於歷下所將卒虜車騎將軍華毋傷及將吏四十六人降下臨菑得齊守相田光追齊相田橫至嬴博破其騎所將卒斬騎將一人生得騎將四人攻

斬

下嬴博破齊將軍田吸於千乘所將卒擊吸

東從韓信攻龍且留公於高密索隱曰留縣

名高密縣名在北海漢書作假密假密地名不知所在未知孰是耳○正義曰留縣在沛

郡公卒斬龍且文穎曰所將卒生得右司馬連尹各

一人樓煩將十人身生得亞得周蘭齊地已

定韓信自立為齊王使嬰別將擊楚將公果

於魯北破之轉南破薛郡長身虜騎將一人

攻博陽前至下相以東南僅取慮徐索隱曰

將

慮音閭取又音趣僮徐度淮盡降其城邑至

廣陵漢書音義曰任廣陵以禦敵○正義曰

謂從下相以東南盡降城邑乃至廣陵

皆平定項羽使項聲薛公郊公復定淮北嬰

度淮北擊破項聲郊公下邳正義曰邳音斬

薛公下下邳擊破楚騎於平陽索隱曰小顏

東郡地理志太山有東平陽縣○正義曰南

平陽縣城今兗州鄒縣也在兗州東南六十

二里按鄒縣去徐州滕遂降彭城虜柱國項

陀降留薛沛鄒蕭相攻苦蕪正義曰戶復得



車

亞將周蘭與漢王會願鄉徐廣曰苦縣有願鄉○索隱曰音以之從擊項籍軍於陳下破之所將卒斬樓煩將二人虜騎將八人賜益食邑二千五百戶項籍敗垓下去也嬰以御史大夫受詔將軍騎別追項籍至東城正義曰縣在濠州定遠縣東南五十五里破之所將卒五人共斬項籍皆賜爵列侯降左右司馬各一人卒萬二千人盡得其軍將吏下東城歷陽正義曰和州歷陽縣即今州城是也渡江破吳郡

長吳下

如淳曰雄長之長也○索隱曰下有郡守此長即令也如淳以為雄長非

也○正義曰今蘇州也案如說非也吳郡長即吳郡守也一破吳郡長兵於吳城下而得吳郡守身也得吳守遂定吳豫章會稽郡還定淮

北凡五十二縣漢王立為皇帝賜益嬰邑三千戶其秋以車騎將軍從擊破燕王臧荼明年從至陳取楚王信還剖符世世勿絕食穎陰二千五百戶號曰穎陰侯以車騎將軍從擊反韓王信於代至馬邑受詔別降樓煩以

北六縣斬代左相破胡騎於武泉北正義曰縣名在

朔州北二百二十里復徙擊韓信胡騎晉陽下所將卒

斬胡白題將一人服虔曰胡名也受詔并將燕趙齊

梁楚車騎擊破胡騎於涪石服虔曰涪音沙

音十反至平城為胡所圍從還軍東垣從擊陳

豨受詔別攻豨丞相侯敞軍曲逆下破之率

斬敞及特將五人文穎曰特一之特也降曲逆盧奴上

曲陽安國安平正義曰盧奴定州安喜縣是曲陽定州曲陽縣是安平定

列安平縣攻下東垣黥布反呂車騎將軍先出攻

布別將於相破之斬亞將樓煩將三人又進

擊破布上柱國軍及大司馬軍又進破布別

將肥誅徐廣曰一作誅○索隱曰案漢書作肥誅嬰身生得左司

馬一人所將率斬其小將十人追北至淮上

益食二千五百戶布已破高帝歸定令嬰食

穎陰五千戶除前所食邑凡從得二千石二

人別破軍十六降城四十六定國一郡二縣

五十二得將軍二人柱國相國各一人二千石十人嬰自破布歸高帝崩嬰以列侯事孝惠帝及呂太后太后崩呂祿等以趙王自置為將軍軍長安為亂齊哀王聞之舉兵西且入關誅不當為王者上將軍呂祿聞之乃遣嬰為大將將軍往擊之嬰行至滎陽乃與絳侯等謀因屯兵滎陽風齊王呂誅呂氏事正義

日風萬鳳反

齊兵止不前絳侯等既誅諸呂齊王

罷兵歸嬰亦罷兵自滎陽歸與絳侯陳平共立代王為孝文皇帝孝文皇帝於是益封嬰三千戶賜黃金千斤拜為大尉三歲絳侯勃免相就國嬰為丞相罷大尉官是歲匈奴大入北地上郡令丞相嬰將騎八萬五千往擊匈奴匈奴去濟北王反詔乃罷嬰之兵後歲餘嬰以丞相卒諡曰懿侯子平侯阿代侯二十八年卒子彊代侯十二年彊有罪絕二歲

元光三年天子封灌嬰孫賢為臨汝侯續灌氏後八歲坐行昧有罪國除

太史公曰吾適豐沛問其遺老觀故蕭曹樊噲滕公之家及其素異哉所聞方其鼓刀屠狗賣繒之時豈自知附驥之尾垂名漢庭德流子孫哉余與他廣通為言高祖功臣之興時若此云索隱曰案他廣樊噲之孫後失封蓋嘗訝太史公序蕭曹樊滕之功委具則從他廣而得其事故備也

索隱述贊曰

聖賢影響 雲蒸龍變 屠狗販繒
攻城野戰 扶義西上 受封南面
酈况賣交 舞陽內接 滕灌更王
弈葉繁衍

樊酈滕灌列傳第三十五 史記九十五